

27 февраля. Пятница 1-й недели поста.

Свт. Алексій Московский

Литургия Преждеосвященных Даров. Вечерня

Диакон, по обычаю, став на амвоне, возглашает:

Благослови Владыко.

Священник, стоя перед святым престолом по обычаю произносит возглас:

Благословено Царство Отца и Сына, и Святаго Духа, ныне и присно, и во веки веков.

Лик: Аминь.

Чтец: Приидите, поклонимся Царéви нашему Бóгу.

Приидите, поклонимся и припадём Христу́ Царéви нашему Бóгу.

Приидите, поклонимся и припадём Самóму Христу́, Царéви и Бóгу нашему.

Псалом 103

Благослови́, душе́ моя, Гóспода. Гóсподи, Бóже мой, возвели́чился еси́ зело́. Во испове́дание и в велеле́поту облéклся еси́. Оде́йся свéтом, я́ко ризо́ю, простира́яй не́бо, я́ко ко́жу. Покрыва́яй вода́ми превы́спренняя Своя́, полага́яй о́блаки на восхожде́ние Своё, ходя́й на крилу́ вéтреню. Творя́й А́нгелы Своя́ дýхи и слуги́ Своя́ пла́мень о́гненный. Основáяй зéмлю на твёрди ея́, не преклонится́ в век вéка. Бэ́здна, я́ко риза, оде́яние ея́, на гора́х ста́нут во́ды, от запрещéния Твоегó побéгут, от гласа́ грóма Твоегó убоятся. Восхо́дят гóры и нисхо́дят поля́ в мéсто, е́же основáл еси́ им. Преде́л положи́л еси́, егóже не прéйдут, ниже́ обратят́ся покрь́ти зéмлю. Посыла́яй исто́чники в дéбрех, посреде́ гор прóйдут во́ды. Напáют вся звéри сéльныя, ждут она́гри в жа́жду свою́. На тýх пти́цы небéсныя привита́ют, от среды́ ка́менья да́дут глас. Напáяяй гóры от превы́спренних Свои́х, от плода́ дел Твои́х насы́тится зéмля. Прозяба́яй траву́ скотóм, и злак на слóужбу чело́веком, извести́ хлеб от зéмли. И вино́ веселит́ сéрдце чело́века, ума́стити лице́ елéем, и хлеб сéрдце чело́века укрепит. Насы́тятся древа́ польская́, кедри́ Ливáнстии, ихже еси́ насадил. Та́мо пти́цы вогнездят́ся, еродиево жили́ще предводит́ельствует ими́. Гóры высóкия елéнем, ка́мень прибе́жище зáяцем. Сотворил́ есть луну́ во время́на, со́лнце позна́ за́пад свой. Положи́л еси́ тму, и бысть́ ночь, в нéйже прóйдут вси́ звéрие дубра́внии. Скíмни рыка́ющи, восхíтити и взыска́ти

от Бóга пи́щу себе́. Возсия́ со́лнце и собра́шася и в ло́жах свои́х ля́гут. Изы́дет челове́к на де́ло свое́ и на де́лание свое́ до ве́чера. Я́ко возве́личишася дела́ Твоя́, Го́споди, вся премúдростию сотвори́л еси́, испо́лнися земля́ тва́ри Твоея́. Си́е мо́ре вели́кое и простра́нное, та́мо га́ди, ѿмже несть числа́, живо́тная ма́лая с вели́кими, та́мо корабли́ препла́вают, змий сей, егóже созда́л еси́ руга́тися е́му. Вся к Тебе́ ча́ют, да́ти пи́щу им во бла́го вре́мя. Да́вшу Тебе́ им соберу́т, отве́рзшу Тебе́ ру́ку вся́ческая испо́лнятся бла́гости, отве́рзшу же Тебе́ лице́, возме́ются, отъ́ймеша дух их, и исче́знут, и в персть свою́ возвратя́тся. По́слеши Ду́ха Твоего́, и сози́ждутся, и обнови́ши лице́ земли́. Бúди сла́ва Господня́ во ве́ки, возвесели́тся Господь о́ делех Свои́х, призира́я на зе́млю, и творя́я ю́ трясти́ся, прикаса́йся гора́м, и дымя́тся. Воспою́ Господеви́ в животе́ моём, пою́ Бо́гу моему́, до́ндеже есмь, да услади́тся Е́му бесе́да моя́, аз же возвеселю́ся о́ Господе. Да исче́знут грéшницы от земли́, и беззако́нницы, я́коже не бы́ти им. Благослови́, душе́ моя́, Го́спода.

Со́лнце позна́ запа́д свой. Положи́л еси́ тму, и бысть но́щь. Я́ко возве́личишася дела́ Твоя́, Го́споди, вся премúдростию сотвори́л еси́.

Сла́ва Отцу́ и Сы́ну и Свято́му Ду́ху, и ны́не и прísно и во ве́ки веко́в. Ами́нь. Аллилу́иа, аллилу́иа, аллилу́иа, сла́ва Тебе́ Бо́же *(трижды)*.

Ектения великая

Диакон: Мíром Го́споду помо́лимся.

Лик: Го́споди, помíлуй. *(на каждое прошение)*

Диакон: Пресвяту́ю, Пречи́стую, Преблагослове́нную, Сла́вную Влады́чицу на́шу Богороди́цу и Присноде́ву Мари́ю со все́ми святы́ми помяну́вше, са́ми себе́ и друг дру́га, и весь живо́т наш Христу́ Бо́гу преда́дим.

Лик: Тебе́, Го́споди.

Священник: Я́ко подоба́ет Тебе́ вся́кая сла́ва, честь и поклонéние, Отцу́, и Сы́ну, и Свято́му Ду́ху, ны́не и прísно, и во ве́ки веко́в.

Лик: Ами́нь.

Кафизма 18

Во время чтения первого антифона раскрывается антиминос, переносится на престол дискос и совершается поклонение; св. Агнец перекадывается на дискос и снова совершается поклонение.

Первая статья 18 кафисмы

Псалом 119

Ко Господу, внемди скорбети ми, воззвах, и услыша мя. Господи, избави душу мою от устен неправедных и от языка лстива. Что дастся тебе, или что приложится тебе к языку лстиву? Стрелы сильного изошрены, со угльми пустынными. Уви мне, яко пришельствие мое продолжися, вселихся с селении Кидарскими. Много пришельствова душа моя, с ненавидящими мира бех мирен: егда глаголах им, боряху мя туне.

Псалом 120

Возведох очи мои в горы, отнюдуже приидет помощь моя. Помощь моя от Господа, сотворшаго небо и землю. Не даждь во смятение ног твоих, ниже воздремлет храняй тя, се не воздремлет, ниже уснет храняй Израиля. Господь сохранит тя, Господь покров твой на руку десную твою. Во дни солнце не ожжет тебе, ниже луна нощию. Господь сохранит тя от всякаго зла, сохранит душу твою Господь. Господь сохранит вхождение твое и исхождение твое, отныне и до века.

Псалом 121

Возвеселихся о рекших мне: в дом Господень пойдём. Стояще бяху ноги наша во дворех твоих, Иерусалиме. Иерусалим зиждемый яко град, емуже причастие его вкупе. Там бо въздыша колена, колена Господня, свидение Израилево, исповедатися имени Господню, яко там седоша престолы на суд, престолы в дому Давидове. Вопросите же яже о мире Иерусалима: и обилие любящим тя. Буди же мир в силе твоей и обилие в столпостенех твоих. Ради братьий моих и ближних моих глаголах убо мир о тебе. Дому ради Господа Бога нашего възсках благая тебе.

Псалом 122

К Тебе возведох очи мои, живущему на небеси. Се яко очи раб в руку господий своих, яко очи рабыни в руку госпожи своея, тако очи наши ко Господу Богу нашему, дондеже ущедрит ны. Помилуй нас, Господи, помилуй нас, яко по многу исполнихомся унижения, наипаче наполнися душа наша поношения гобзующих и унижения гордых.

Псалом 123

Яко аще не Господь бы был в нас, да речет убо Израиль, яко аще не Господь бы был в нас, внемди востати человеком на ны, убо живых пожерли быша нас, внемди прогневатися ярости их на ны, убо вода потопила бы нас. Поток прейде душа наша, убо прейде душа наша воду непостоянную. Благословен Господь, Иже не даде нас в ловитву зубом их. Ду-

27 февраля. Пятница 1-й недели поста. Свт. Алексій Московский

ша́ наша, яко пти́ца изба́вися от се́ти ловя́щих: сеть сокруши́ся, и мы изба́влени бы́хом. По́мощь наша во и́мя Го́спода, сотво́ршаго не́бо и зе́млю.

Чтец: Сла́ва Отцу́ и Сы́ну и Свято́му Ду́ху, и ны́не и прісно, и во ве́ки веко́в. Ами́нь. Аллилу́иа, аллилу́иа, аллилу́иа, сла́ва Тебе́ Бо́же. *(Трижды).*

Малая ектения

Диакон: Па́ки и па́ки ми́ром Го́споду помóлимся.

Лик: Го́споди, помíлуй.

Диакон: Заступи́, спаси́, помíлуй и сохрани́ нас, Бо́же, Твоею́ благода́тию.

Лик: Го́споди, помíлуй.

Диакон: Пресвяту́ю, Пречи́стую, Преблагослове́нную, Сла́вную Влады́чицу нашу Богоро́дицу и Присноде́ву Мари́ю, со все́ми святы́ми помяну́вше, са́ми себе́ и друг дру́га, и весь живóт наш Христу́ Бо́гу преда́дим.

Лик: Тебе́, Го́споди.

Священник: Яко Ты еси́ Бог наш, и Тебе́ сла́ву воссыла́ем, Отцу́ и Сы́ну, и Свято́му Ду́ху, ны́не и прісно, и во ве́ки веко́в.

Лик: Ами́нь.

Вторая статья 18 кафисмы

Псалом 124

Наде́ющися на Го́спода, яко гора́ Сио́н: не подви́жится в век живы́й во Иерусали́ме. Го́ры о́крест его́, и Госпо́дь о́крест люде́й Свои́х отны́не и до ве́ка. Яко не оста́вит Госпо́дь жезла́ грешных на жре́бий пра́ведных, яко да не про́струт пра́веднии в беззакóния рук свои́х. Ублажи́, Го́споди, бла́гия и пра́выя се́рдцем. Уклоня́ющыя же в развраще́ния отведёт Госпо́дь с де́лающими беззакóние. Мир на Изра́иля.

Псалом 125

Внегда́ возврати́ти Го́споду плен Сио́нь, бы́хом яко утешени. Тогда́ испол́нишася ра́дости уста́ наша и язы́к наш весели́я, тогда́ реку́т во язы́цах: возвели́чил есть Госпо́дь сотвори́ти с ни́ми. Возвели́чил есть Госпо́дь сотвори́ти с на́ми: бы́хом веселя́щеся. Возврати́, Го́споди, плене́ние наше́, яко пото́ки ю́гом. Се́ющии слеза́ми, ра́достью по́жнут. Ходя́щии хо́ждаху и пла́кахуся, метáюще се́мена своя́, грядúще же при́дут ра́достью, вземлю́ще руко́яти своя́.

Псалом 126

Аще не Господь созиждет дом, все трудися зидущи. Аще не Господь сохранит град, все бде стрегий. Все вам есть утревати, встанете по седении, ядущи хлеб болезни, егда даст возлюбленным Своим сон. Се достояние Господне сынове, мзда плода чревняго. Яко стрелы в руке сильного, тако сынове отрясенных. Блажен, иже исполнит желание свое от них. Не постыдятся, егда глаголют врагом своим во врагах.

Псалом 127

Блажени вси боящиеся Господа, ходящие в путех Его. Труды плодов Твоих снеси: блажен еси, и добро тебе будет. Жена твоя, яко лоза, плодovitа в странах дому твоего, сынове твои, яко новосаждения масличная, окрест трапезы твоея. Се тако благословится человек бояйся Господа. Благословит тя Господь от Сиона, и узриши благая Иерусалима вся дни живота твоего, и узриши сыны сынов твоих. Мир на Израиля.

Псалом 128

Множицею бращася со мною от юности моея, да речет убо Израиль: множицею бращася со мною от юности моея, ибо не премогаша мя. На хребте моем делаша грешницы, продолжisha беззаконие свое. Господь праведен ссече вья грешников. Да постыдятся и возвратятся вспять вси ненавидящие Сиона. Да будут, яко трава на здох, яже прежде восторжения изсше, еюже не исполни руки своея жнй, и недра своего рукояти собираяй, и не реша мимоходящи: благословение Господне на вы, благословихом вы во имя Господне.

Чтец: Слава Отцу и Сыну и Святому Духу, и ныне и присно, и во веки веков. Аминь. Аллилуиа, аллилуиа, аллилуиа, слава Тебе Боже. *(Трижды).*

Малая ектения

Диакон: Паки и паки миром Господу помолимся.

Лик: Господи, помилуй.

Диакон: Заступи, спаси, помилуй и сохрани нас, Боже, Твоею благодатию.

Лик: Господи, помилуй.

Диакон: Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувшие, сами себе и друг друга, и весь живот наш Христу Богу предадим.

Лик: Тебѣ, Гóсподи.

Священник: Яко Ты еси Бог наш, и Тебѣ славу воссылаем, Отцѹ и Сыну, и Святому Духу, ныне и присно, и во веки веков.

Лик: Амѣнь.

Третья статья 18 кафисмы

Псалом 129

Из глубины възвахъ к Тебѣ, Гóсподи, Гóсподи, услыши глас мой. Да будутъ уши Твои внемлюще гласу молѣния моего. Аще беззаконія нáзриши, Гóсподи, Гóсподи, кто постоитъ? Яко у Тебѣ очищѣние есть. Имене ради Твоего потерпѣхъ Тя, Гóсподи, потерпѣ душа моя в слово Твое, упова душа моя на Гóспода. От стражи утрення до нощи, от стражи утрення да уповаетъ Израиль на Гóспода. Яко у Гóспода милость, и многое у Него избавление, и Той избавитъ Израиля отъ всехъ беззаконий его.

Псалом 130

Гóсподи, не вознесѣся сердце мое, ниже вознесѣтся очи мои, ниже ходихъ в великихъ, ниже в дивныхъ паче мене. Аще не смиреномудрствоваша, но вознесохъ душу мою, яко отдоеное на мать свою, тако воздаси на душу мою. Да уповаетъ Израиль на Гóспода, отныне и до века.

Псалом 131

Помяни, Гóсподи, Давида и всю кротость его: яко клятсѣ Гóсподеви, обещаѣся Богу Иаковлю: аще вниду в селѣние дому моего, или взыду на одр постѣли моея, аще дам сон очима моима и веждама моима дреманіе, и покой скранияма моима, дондеже обрящу мѣсто Гóсподеви, селѣние Богу Иаковлю. Се слышахомъ я во Евфрафе, обретохомъ я в поляхъ дубравы. Внидемъ в селѣнія Его, поклонимся на мѣсто, идеже стоясте ноге Его. Воскресни, Гóсподи, в покой Твой, Ты и кивотъ святѣни Твоея. Священницы Твои облечутся правдою, и преподобнии Твои возрадуются. Давида ради раба Твоего не отврати лице помазаннаго Твоего. Клятсѣ Господь Давиду истинною и не отвержется ея: от плода чрева твоего посажду на престолѣ твоѣмъ. Аще сохранятъ сынове твой заветъ Мой, и свидѣнія Моя сия, имже научу я, и сынове ихъ до века сядутъ на престолѣ твоѣмъ. Яко избрѣ Господь Сиона, изволи и в жилище Себе. Сей покой Мой во векъ века, zde вселюся, яко изволихъ и. Ловитву его благословляяй благословлю, нищыя его насыщу хлѣбы, священники его облечу во спасѣние, и преподобнии его радостию возрадуются. Тамъ возвращу рогъ Давидови, уго-

товах светильник помазанному Моему. Враги его облеку студом, на нем же процветет святыня Моя.

Псалом 132

Се что добро, или что красно? Но еже жити братии вкупе. Яко миро на главе, сходящее на браду, браду Аарону, сходящее на ометы одежды его, яко роса Аермонская сходящая на горы Сионския, яко тамо заповеда Господь благословение и живот до века.

Псалом 133

Се ныне благословите Господа вси раби Господни, стоящи в храме Господни, во дворех дому Бога нашего, В нощех воздежите руки ваша во святая, и благословите Господа. Благословит тя Господь от Сиона, сотворивый небо и землю.

Чтец: Слава Отцу и Сыну и Святому Духу, и ныне и присно, и во веки веков. Аминь. Аллилуиа, аллилуиа, аллилуиа, слава Тебе Боже. *(Трижды).*

Малая ектения

Диакон: Паки и паки миром Господу помолимся.

Лик: Господи, помилуй.

Диакон: Заступи, спаси, помилуй и сохрани нас, Боже, Твоею благодатию.

Лик: Господи, помилуй.

Диакон: Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувшие, сами себе и друг друга, и весь живот наш Христу Богу предадим.

Лик: Тебе, Господи.

Священник: Яко Ты еси Бог наш, и Тебе славу воссылаем, Отцу и Сыну, и Святому Духу, ныне и присно, и во веки веков.

Лик: Аминь.

Стихиры на «Господи, воззвах»

Канонарх: Глас 5, Господи, воззвах к Тебе, услыши мя.

Лик: Гóсподи, воззвáх к Тебé, услýши мя./ Услýши мя, Гóсподи./ Гóсподи, воззвáх к Тебé, услýши мя:/ вонмí глáсу молéния моего,/ внегда́ воззвáти ми к Тебé.// Услýши мя, Гóсподи.

Да испрáвится молíтва моя,/ я́ко кадíло пред Тобóю,/ воздея́ние руку́ моéю/ жéртва вечерняя. // Услýши мя, Гóсподи.

И по чину стихи: Положí, Гóсподи, хранéние устóм моím, и дверь ограждéния о устнáх моíх. Не уклонí сéрдце моé в словесá лукавствия, непщевáти винý о гресéх, с челове́ки дéлающими беззакóние, и не сочтýся со избрáнными их. Нака́жет мя прáведник мíлостию и обличíт мя, елéй же грéшнаго да не нама́стит главý моея́, я́ко ещé и молíтва моя́ во благоволéниях их. Пожéрты бýша при кáмени судий их: услýшатся глаго́ли моí, я́ко возмогóша. Я́ко то́лща земли́ просéдeся на земли́, расточíшася кóсти их при áде. Я́ко к Тебé, Гóсподи, Гóсподи, óчи моí: на Тя упова́х, не отымí дýшу мою́. Сохрани́ мя от сéти, ю́же соста́виша ми, и от соблáзн дéлающих беззакóние. Падýт во мрéжу свою́ грéшницы: един есмь аз, дондеже пре́йду. Глáсом моím ко Гóсподу воззвáх, глáсом моím ко Гóсподу помолíхся. Пролíю пред Нím молéние моé, печáль мою́ пред Нím возвещú. Внегда́ исчезáти от мене́ дýху моемú и Ты познал еси́ стезí моя́: на путí сém, по немúже хождáх, скрýша сéть мнé. Смотря́х одеснýю и возгля́дах, и не бé зная́ мене́: погíбе бéгство от мене́, и несть взыска́яй дýшу мою́. Воззвáх к Те-

бѣ Гóсподи, рѣх: Тѣ еси упованіе моѣ, часть моя еси на земли живѣх. Вонми молѣнію моему, яко смирихся зело, избави мя от гонящих мя, яко укрепішася паче мене.

На 10, стихиры: Изведи из темницы душу мою, /
исповѣдатися имени Твоему.

Суббота 1-й седмицы Великого поста на 2

Приидите, вернии, / делаим во свете дела Божия, / яко во дни благообразно ходим: / всякое неправедное списание от себе ближняго отыдем, / не полагаяще преткания сему в соблазн. / Оставим плоти сладострастие, / возрастим души дарования, / дадим требующим хлеб, / и приступим Христу в покаянии вопиюще: // Бóже наш, помилуй нас.

Стѣх: Мене ждут праведницы /
дондеже воздаси Мне.

Приидите, вернии, / делаим во свете дела Божия, / яко во дни благообразно ходим: / всякое неправедное списание от себе ближняго отыдем, / не полагаяще преткания сему в соблазн. / Оставим плоти сладострастие, / возрастим души дарования, / дадим требующим хлеб, / и приступим Христу в покаянии вопиюще: // Бóже наш, помилуй нас.

свт. Алексія, митрополита Киевскаго, на 2

Глас 5. На 8, стѣх: Из глубины возвах к Тебе Гóсподи, /
Гóсподи, услыши глас мой.

Радуйся, пречестный архиерей великий, Алексіе преблаженне, / церковный красителю, святителей честное удо-

брѣние,/ наро́ду правосла́вному моли́твою помога́я,/ зем-
ли́ Росси́йския вели́кое утвержде́ние,/ честны́й учи́телю
наш,/ беспомощным по́моще,/ печальным утешѣние
ра́достное,/ моле́бниче тёплый всем скорбя́щим,/ тьму не-
разу́мья отгоня́я,/ и ко Христу́ во пристани́ща тѣхая при-
те́кл еси́,/ в лице́ безплотных предсто́я,/ и красны́я до-
бро́ты Влады́чни наслажда́ешься,/ и сердца́ благочесты́-
вых на пѣние воздвигл еси́./ Христу́ помолі́ся// дарова́ти
душамъ на́шим мир и вели́ю ми́лость.

Стѹх: Да бѹдут ѹши Твоѹ /
внѣмлюще гла́су моле́ния моего́.

Ра́дуйся, свети́ло всея́ Росси́йския митропо́лии:/ ты бо до-
бродѣтелию свѣтло процвѣл еси́,/ я́ко ма́слина плодови́та в
домѹ́ Бо́жии,/ и, разли́чныя плоды́ износя́,/ богáтно разда-
ва́еши ста́ду тво́емѹ словѣ́сному/ и на па́житехъ духо́вныхъ
ту́чами твоѹ́х моли́тв напо́яеши,/ исцелѣ́ния незавѣ́стно ис-
точа́еши/ ве́рою притека́ющимъ к ра́це мощѣ́й твоѹ́х, святите́-
лю Алексі́е./ Свещѹ́ свѣ́тлу себѣ́ угото́вал еси́,/ и во
обителехъ Небе́сныхъ всели́вся,/ и трудо́в твоѹ́х воздая́ния
венцы́ прия́л еси́,/ не дал бо еси́ сна очѹ́ма твоѹ́ма и ве́ждо-
ма дрема́ния,/ до́ндеже сномъ о́бщим усну́л еси́./ Преподо́бне
святите́лю, Христу́ помолі́ся// дарова́ти душамъ на́шим мир
и вели́ю ми́лость.

Гласъ 2. На 6, стихъ: А́ще беззако́нныя на́зриши, Го́споди, Го́споди, кто посто-
и́тъ? /

Яко у Тебѣ очищѣние есть.

Ин стихиры свт. Алексія, митрополита Киевскаго, глас 2

**Кіими пѣсненными добрѣтами воспоѣм святителя,/ Хри-
сто́ва уста́ тѣхая/ и Ева́нгелия Егѡ проповѣдника свѣтла,/ Церко́внаго хранителя и заступника земли Россійстей,/ вѣр-
ному во́инству нашему побѣрника,/ Егѡже моли́твами ша-
та́ния враговъ Христо́с низложѣ, // имѣяй вѣлию мѣлость.**

Стух: Имене ра́ди Твоегѡ потерпѣх Тя, Го́споди, потерпѣ душа́ моя в
сло́во Твое, /

упова́ душа́ моя на Го́спода.

**Кіими бодрѣнными устна́ми похва́лим святителя,/ Христо́-
вы Це́ркве краси́теля,/ Петро́у верхо́вному ревни́теля и Па́-
влу наслѣдника,/ нра́вы подѡбьящася Крестителю,/ Петро́а чу-
дотво́рца Россійскаго сопрестѡльника/ и лучѣ чудѣс испу-
ща́юща обѣльно,/ исцелѣния подава́юща незавѣстно всем,
приходя́щим с вѣрою/ и па́мь егѡ свѣтло прѣзднующим,/
вѣликаго заступника земли Россійстей и учи́теля,/ Алексія,
дѣвнаго чудотво́рца,/ и правосла́вным лю́дем на́шим тѣпла-
го посѡбника./ Егѡже ра́ди враги́ Христо́с низложѣ, // имѣяй
вѣлию мѣлость.**

Глас 2. На 4, стух: От стра́жи у́тренняя до но́щи, от стра́жи у́тренняя, /
да упова́ет Изра́иль на Го́спода.

Суббота 1-й седмицы Великого поста на 4

**Приидѣте, мучениколю́бцы вси,/ духо́вно возвесели́мся, и
торжествуйм:/ днесь бо предлага́ет трапезу та́йную мученик**

Фео́дор,/ веселя́щую празднолю́бцев нас,/ е́же вопіти к не-
му́:/ ра́дуйся, страсотёрпче непобеді́мый,/ прещё́ния му-
чи́телей на землі разорі́вый./ Ра́дуйся, брénное твоё тéло
за Христа́ Бо́га отда́вый му́кам./ Ра́дуйся, в различных бе-
да́х искúсный во́ин яв́ивыйся небéснаго во́инства./ Тёмже
мо́лим тя, му́чеников украше́ние, // моли́ся о душах на́ших.

Стих: Яко у Го́спода мѣлость, и мно́гое у Него́ избавле́ние, /
и То́й изба́вит Израі́ля от всѣх беззако́ний его́.

Богодарова́нную благода́ть чуде́с твоих,/ му́чениче Фео́до-
ре, всем простира́еши,/ ве́рою к тебе́ притека́ющим./ Ё́уже
хва́лим тя, глаго́люще:/ пленённые избавля́еши, исцеля́еши
боля́щия,/ ни́щия обогаща́еши, и спаса́еши пла́вающия,/
су́етное течё́ние удержава́еши рабо́в,/ и тцеты́ явле́ние тво-
ри́ши украда́ющим, страда́льче,/ и во́ины наказу́еши восхи-
ще́ния огребáтися,/ младёнцем да́руеши мѣлостивно про-
ше́ния,/ тёплый обрета́ешися предста́тель творя́щим твою́
свяще́нную па́мять./ С ни́миже и нам, страда́льче свяще́н-
нейший,/ воспева́ющим твоё мучё́ние, // проси́ у Христа́
ве́лию мѣлость.

На 2, стих: Хвалі́те Го́спода всѣ язы́цы, /
похвалі́те Его́ всѣ лю́дие.

Дар Бо́жий превы́шший показáлся еси́, му́чениче Фео́доре:/
зане́ и по кончи́не яко жив притека́ющим да́еши проше́ния./
Тёмже сы́ну восхище́нну жены́ иногда́,/ пленённу иновёрны-
ми во́ины,/ предста́вши вдови́ца слезáми храм твой мо-

ча́ше./ Ты же я́ко ми́лостив на коне́ бѣлом нашѣд,/ сея́ о́тро-
ка предста́вил еси́ невидимо:/ и посѣм и с сим де́йствующай
чудесы́, не престáл еси́.// Но моли́ Христа́ Бо́га спаст́ся ду-
ша́м на́шим.

Стих: Я́ко утверди́ся ми́лость Его́ на нас, /
и исти́на Господня́ пребывáет во вѣк.

Божѣственных даровъ тезоименита́ ты чту, треблаже́нне Фео-
доре:/ свѣта бо божѣственнаго незаходимо́е свети́ло явлѣй-
ся,/ уясни́л еси́ страда́ньми твоими́ всю тварь:/ и огня́ силь-
нейший яви́вся,/ пла́мень угаси́л еси́,/ и льсти́ваго зми́я гла-
ву́ сокруши́л еси́./ Те́мже во страда́ниях твои́х Христос при-
клони́вся,/ венча́ божѣственную главу́ твою́, великомучени-
че страда́льче,/ я́ко имѣяй дерзнове́ние к Бо́гу,// приле́жно
моли́ся о душа́х на́ших.

Сла́ва, глас 6:

Слава Отцу́, и Сы́ну, и Свято́му Ду́ху.

Сосуда́ употребивъ врагъ соотсту́пника мучи́теля,/ умышлѣни-
ем лю́тым,/ постомъ очища́ющияся лю́ди благочестивы́я,/ от
скверныхъ жертв, оскверне́нными бра́шны окуша́шеся
оскверни́ти:/ но ты она́го ухищре́ние мудре́йшим разруши́л
еси́ умышлѣнием,/ во сне предста́л еси́ тогда́шнему ар-
хиере́ю,/ и глубо́кое ра́зума открывáя,/ и безме́стное начи-
на́ние явля́я./ И тебе́ у́бо благодарственная́ принося́ще,/
спáса напи́суетъ,/ лѣтное воспомина́ние бѣвшаго чудесе́
творя́ще:/ и проче́е моля́щеся,/ от умышлѣ́ний лука́ваго не-

вредимым спастися,/ к Бóгу твоими моли́твами,// мучениче
Феодоре.

И ныне, глас 4:

И ны́не, и прісно, и во ве́ки веко́в. Ами́нь.

Иже Тебе́ ра́ди Богооте́ц проро́к Дави́д/ пе́сенно о Тебе́
провозгласи́/ вели́чия Тебе́ Сотво́ршему,/ предста́ Цари́ца
одесну́ю Тебе́,/ Тя бо Ма́терь, Ходатаи́цу Живота́ показа́,
без отца́ из Тебе́ вочелове́чится благоволи́вый Бог,/ да
Свой па́ки обнові́т о́браз, истле́вший страстьми́,/ и заблү́-
ждшее горохи́щное обрёт овча́,/ на ра́мо воспри́им, ко Отцу́
принесёт/ и Своему́ хотению́/ с Небе́сными совокупі́т Си́ла-
ми,/ и спасёт, Богоро́дице, мир// Христос, имейя́ ве́лию и бо-
га́тую ми́лость.

Вход с кадилом или с Евангелием

В конце же стихир диакон (или священник) возглашает: Премудрость, прости.

Вечерняя песнь Сыну Божию

Свете́ Тіхий святы́я сла́вы,/ Безсме́рнаго, Отца́ Небе́снаго,/
Свята́го Блаже́ннаго, Иисусе́ Христэ́./ Прише́дше на за́пад
со́лнца,/ ви́девше свет вече́рний,/ поём Отца́, Сы́на и Свя-
та́го Ду́ха, Бóга./ Досто́ин еси́ во вся времена́/ пёт бы́ти гла́-
сы преподо́бными,/ Сы́не Бóжий, живо́т да́й,// те́мже мир
Тя сла́вит.

Диакон: Во́нмем.

Священник: Мир всем.

Лик: И ду́хови твоему́.

Диакон: Премудрость. Воннем.

Чтец: Прокимен, глас 5: Услышит тя Господь / в день печали.

Лик: Услышит тя Господь / в день печали.

Чтец: *Стих:* Защитит тя имя Бога Иаковля.

Лик: Услышит тя Господь / в день печали.

Чтец: Услышит тя Господь

Лик: в день печали.

Диакон: Премудрость.

Чтец: Бытия чтение.

Диакон: Воннем.

Чтец: Нарече Адам имена всем скотом, и всем птицам небесным, и всем зверем земным, Адаму же не обретете помощник подобный ему. И наложит Бог изступление на Адама, и успе: и взя едино от ребр его, и исполни плотию вместо его. И созда Господь Бог ребро, еже взя от Адама, в жену, и приведе ю ко Адаму. И рече Адам: се ныне кость от костей моих, и плоть от плоти моея: сия наречется жена, яко от мужа своего взята бысть сия. Сего ради оставит человек отца своего и мать, и прилепится к жене своей, и будет два в плоть едину. И беста оба нага, Адам же и жена его, и не стыдятся. Змий же бе мудрейший всех зверей сущих на земли, ихже сотвори Господь Бог. И рече змий жене: что яко рече Бог: да не ясте от всякаго древа райскаго? И рече жена змию: от всякаго древа райскаго ясти будем. От плода же древа, еже есть посреде рая, рече Бог, да не ясте от него, ниже прикоснетесь ему, да не умрете. И рече змий жене: не смертию умрете. Ведяше бо Бог, яко вонже аще день снете от него, отверзутся очи ваши, и будете яко бози, ведяще доброе и лукавое. И виде жена, яко добро древо в снедь, и яко угодно очима видети, и красно есть, еже разумети: и вземши от плода его, яде: и даде мужу своему с собою, и ядоша. И отверзошася очи обема, и разумеша, яко нази беша, и сшиста листвие смоковное, и сотвориша себе препоясания. И услышаста глас Господа Бога, ходяща в рай по полудни: и скрившася Адам же и жена его от лица Господа Бога посреде древа райскаго. И призва Господь Бог Адама, и рече ему: Адаме, где еси? И рече ему: глас слышах Тебе ходяща в рай, и убояхся, яко наг есмь, и скривхся. И рече ему Бог: кто возведи тебе, яко наг еси, аще не бы от древа, егже заповедах тебе, сего единого не ясти, от него ял еси? И рече Адам: жена, юже дал еси со мною, та ми

даде от древа, и ядох. И рече Господь Бог жене: что сие сотворила еси? И рече жена: змий прельсти мя, и ядох. И рече Господь Бог змию: яко сотворил еси сие, проклят ты от всех скотов, и от всех зверей земных: на персех твоих и чреве ходити будеши, и землю снеси вся дни живота твоего. И вражду положу между тобою, и между женою, и между семенем твоим, и между семенем тоя: той твою блюсти будет главу, и ты блюсти будеши его пяту. И жене рече: умножая умножу печали твоя, и воздыхания твоя, в болезнях родиши чада, и к мужу твоему обращение твое, и той тобою обладати будет. И Адаму рече: яко послушал еси гласа жены твоея, и ял еси от древа, егоже заповедах тебе сего единого не ясти, от него ял еси: прокята земля в делах твоих, в печалех снеси тую вся дни живота твоего. Терния и волчцы возрастят тебе, и снеси траву селеную. В поте лица твоего снеси хлеб твой, дондеже возвратишия в землю, от неяже взят еси: яко земля еси, и в землю отидеши. И нарече Адам имя жене своей Жизнь, яко та мати всех живущих.

Диакон: Премудрость. Воннем.

Чтец: Прокимен, глас 6: Вознесися Господи, силою Твоею, / воспоём и поём силы Твоя.

Лик: Вознесися Господи, силою Твоею, / воспоём и поём силы Твоя.

Чтец: *Стих:* Господи, силою Твоею возвеселится царь.

Лик: Вознесися Господи, силою Твоею, / воспоём и поём силы Твоя.

Чтец: Вознесися Господи, силою Твоею,

Лик: воспоём и поём силы Твоя.

Затем диакон возглашает: Повелите.

Священник, держа обеими руками свечу и кадило и начертывая ими крест, возглашает, взирая на восток: Премудрость, прости.

И затем обратившись на запад к народу, лежащему ниц: Свет Христов просвещает всех.

Чтец: Притчей чтение.

Диакон: Воннем.

Чтец: Бог премудростию основа землю, уготова же небеса разумом. В чувстве Его бездны разверзюшася, облацы же источиша росу. Сыне да не преминеша, соблюди же мой совет, и мысль. Да жива будет душа твоя, и благодать будет на твоей воле: будет же исцеление плотем твоим, и врачевание костем твоим: Да ходиши надеясь в мире во всех путех твоих, нога же твоя не поткнется. Аще бо сядеши, безбоязнен будеши, аще же поспиши сладостно поспиши. И не убойшися страха нашедшаго, ниже устремления нечестивых находящаго. Господь бо будет на всех путех твоих, и утвердит ногу твою, да не поползнешися. Не отрецисья благотвориши требующему, егда имат рука твоя помогати. Не рцы: отшед возвратись, и завтра дам, сильну ти сущу благотвориши: не веши бо что породит находящий день. Не соплетай на друга твоего зла, пришельца суща и уповающа на тя. Не враждуй на человека туне, да не что на тя содеет злое. Не стяжи злых мужей поношения, не возревнуй путем их. Нечист бо пред Господом всяк законопреступник и с праведными не сочетается. Клятва Господня в домах нечестивых: дворы же праведных благословляются. Господь гордым противится: смиренным же дает благодать.

Диакон: Премудрость.

Чтец: Притчей чтение

Диакон: Вонмем.

Чтец: Память праведнаго с похвалами, и благословение Господне на главе его. Блажен человек, иже обрете Премудрость, и смертен, иже уведе разум. Лучше бо Сию куповати, нежели злата и сребра сокровища. Честнейшая же есть камней многоценных, все же честное недостойно Ея есть. Долгота бо дней и лета живота в деснице Ея, в шуйце же Ея богатство и слава. От уст Ея исходит правда, закон же и милость на языке носит. Послушайте убо Мене, о чада, честная бо реку: и блажен человек, иже пути Моя сохранит; исходи бо Мои, исходи живота, и уготовляется хотение от Господа. Сего ради молю вас и предлагаю Мой глас сыновом человеческим: яко Аз, премудрость устроих, совет и разум, и смысл Аз призвах. Мой совет и утверждение, Мой разум, Моя же крепость. Аз Мене любящая люблю, ищущии же Мене обрящут благодать. Разумейте убо, незлобиви, коварство, ненаказаннии же, прилагайте сердца. Послушайте Мене и паки, честная бо реку: и отверзу от устен правая, яко истине поучится гортань Моя, мерзки же предо Мною устны лживыя. С правдою вси глаголы уст Моих, ничтоже в них стропотно, ниже развращенно. Вся права суть разумевающим и проста обретающим разум. Научаю бо вас истине, да будет о Господе надежда ваша, и исполнитесь Духа.

Диакон: Премудрость.

Чтец: Притчей чтение

Диакон: Вонмем.

Чтец: Уста праведнаго каплют премудрость, язык же неправеднаго погибнет. Устне мужей праведных каплют благодати, уста же нечестивых развращаются. Мерила льстивая мерзость пред Господем, вес же праведный приятен Ему. Идеже аще внидет досаждение, тамо и безчестие, уста же смиренных поучаются премудрости. Совершение правых наставит их и поползновение отрицающихся упасет их. Не пользуют имения в день ярости, правда же избавит от смерти. Умер праведный, остави раскаяние, наручна же бываает и посмеятельна нечестивых пагуба. Правда непорочнаго исправляет пути, в нечестие же падает неправда. Правда мужей правых избавит их, безсоветием же пленяются беззаконнии. Скончавшуся мужу праведну, не погибнет надежда, похвала же нечестивых погибнет. Праведник от лова убежит, вместо же его предается нечестивый. Во устех нечестивых сеть гражданом, чувство же праведных благоспешное. Во благих праведных исправится град, и в погибели нечестивых радование. Во благословении правых возвысится град, усты же нечестивых раскопается. Ругается гражданом лишенный разума, муж же мудрый безмолвие водит.

Диакон: Премудрость.

Чтец: Премудрости Соломоновы чтение

Диакон: Вонмем.

Чтец: Праведник, аще постигнет скончатися, в покои будет: старость бо честна не многолетна, ниже в числе лет исчитается. Седина же есть мудрость человеком, и возраст старости житие нескверно. Благоугоден Богу быв, возлюблен бысть, и живый посреде грешник преставлен бысть, восхищен бысть, да не злоба изменит разума его или лесть прельстит душу его. Рачение бо злобы помрачает добрая и парение похоти пременяет ум незлобив. Скончався в мале, исполни лета долга, угодна бо бе Господеви душа его, сего ради потщася от среды лукавствия. Людие же видевше и не разумевше, ниже положивше в помышлении таковое, яко благодать и милость в преподобных Его и посещение во избранных Его.

Священник: Мир ти.

Чтец: И духови твоему.

Диакон: Премудрость.

«Да исправится молитва моя»

27 февраля. Пятница 1-й недели поста. Свт. Алексий Московский

И поем Да исправится молитва моя: Пс.140:2,1,3-4 Во время пения все лежат ниц, предстоятель же, стоя у престола, кадит его, а потом жертвенник.

Чтец поет: Да исправится молитва моя, / яко кадило пред Тобою, / воздеяние руку моею, / жертва вечерняя.

Лик: Да исправится молитва моя, / яко кадило пред Тобою, / воздеяние руку моею, / жертва вечерняя.

Чтец, стих 1: Господи, возвах к Тебе, услыши мя, / вонми гласу моления моего, / внегда воззвати ми к Тебе.

Лик: Да исправится молитва моя, / яко кадило пред Тобою, / воздеяние руку моею, / жертва вечерняя.

Чтец, стих 2: Положи, Господи, хранение устом моим, / и дверь ограждения о устнах моих.

Лик: Да исправится молитва моя, / яко кадило пред Тобою, / воздеяние руку моею, / жертва вечерняя.

Чтец, стих 3: Не уклони сердце мое в словеса лукавствия, / непщевати вины о гресех.

Лик: Да исправится молитва моя, / яко кадило пред Тобою, / воздеяние руку моею, / жертва вечерняя.

Чтец поет: Да исправится молитва моя, / яко кадило пред Тобою.

Лик поет: Воздеяние руку моею, / жертва вечерняя.

Затем, по обычаю, совершаем три поклона с молитвой:

Молитва св. Ефрема Сирина

Священник: Господи и Владыко живота моего, дух праздности, уныния, любоначалия, и празднословия не даждь ми. *(Поклон)*

Дух же целомудрия, смиренномудрия, терпения, и любви, даруй ми рабу Твоему. *(Поклон)*

Ей, Господи Царю, даруй ми зрети моя прегрешения, и не осуждати брата моего, яко благословен еси во веки веков. *(Поклон)*

Лик: Аминь.

Литургия

Затем следующая ектения:

Ектения сугубая

Диакон: Рцем вси от всея души, и от всего помышления нашего рцем.

Лик: Господи, помилуй.

Господи Вседержителю, Боже отец наших, молим Ти ся, услыши и помилуй.

Лик: Господи, помилуй.

Помилуй нас, Боже, по велицей милости Твоей, молим Ти ся, услыши и помилуй.

Лик: Господи, помилуй *(трижды)*.

Еще молимся о Великом Господине и отце нашем, Святейшем Патриархе Кирилле, и о всей во Христе братии нашей.

Лик: Господи, помилуй *(трижды)*.

Еще молимся о Богохранимем стране нашей, властех и воинстве ея, да тихое и безмолвное житие поживем во всяком благочестии и чистоте.

Лик: Господи, помилуй *(трижды)*.

Еще молимся о братиях наших, священниках, священномонасах, и всем во Христе братстве нашем.

Лик: Господи, помилуй *(трижды)*.

Еще молимся о блаженных и приснопамятных святейших патриарсах православных и создателях святаго храма сего, и о всех прежде почивших отцах и братиях, zde лежащих и повсюду, православных.

Лик: Господи, помилуй *(трижды)*.

Еще молимся о милости, жизни, мире, здравии, спасении, посещении, прощении и оставлении грехов рабов Божиих, братии святаго храма сего.

Лик: Господи, помилуй *(трижды)*.

27 февраля. Пятница 1-й недели поста. Свт. Алексій Московский

Еще молимся о плодоносящих и добродееющих во святем и всечестнем храме сем, труждающихся, поющих и предстоящих людех, ожидающих от Тебе великия и богатыя милости.

Лик: Господи, помилуй (трижды).

Священник: Яко милостив и Человеколюбец Бог еси, и Тебе славу возсылаем, Отцу, и Сыну, и Святому Духу, ныне и присно, и во веки веков.

Лик: Аминь.

Ектения об оглашенных

Диакон: Помолитесь, оглашеннии, Господеви.

Лик: Господи, помилуй.

Вернии, о оглашенных помолимся, да Господь помилует их.

Лик: Господи, помилуй.

Огласит их словом истины.

Лик: Господи, помилуй.

Откроет им Евангелие правды.

Лик: Господи, помилуй.

Соединит их святей Своей соборней и апостольстей Церкви.

Лик: Господи, помилуй.

Спаси, помилуй, заступи и сохрани их, Боже, Твоею благодатию.

Лик: Господи, помилуй.

Оглашеннии, главы ваша Господеви приклоните.

Лик: Тебе, Господи.

Священник: Да и тии с нами славят пречестное и великолепое имя Твое, Отца, и Сына, и Святаго Духа, ныне и присно, и во веки веков.

Лик: Аминь.

27 февраля. Пятница 1-й недели поста. Свт. Алексій Московский

И диакон возглашает: Елицы оглашении, изыдите, оглашении изыдите, елицы оглашении, изыдите. Да никто от оглашенных, елицы вернии, паки и паки миром Господу помолимся.

Лик: Господи, помилуй.

Так произносится только до среды четвертой седмицы Великого Поста.

Диакон: Заступи, спаси, помилуй и сохрани нас, Боже, Твоею благодатию.

Лик: Господи, помилуй.

Диакон: Премудрость.

Священник: Яко подобает Тебе всякая слава, честь и поклонение, Отцу, и Сыну, и Святому Духу, ныне и присно, и во веки веков.

Лик: Аминь.

Диакон: Паки и паки миром Господу помолимся.

Лик: Господи, помилуй.

Когда священник служит один, он следующих (четырех) прошений не произносит:

О свышнем мире и спасении душ наших, Господу помолимся.

О мире всего міра, благостоянии святых Божиих церквей и соединении всех, Господу помолимся.

О святем храме сем и с верою, благоговением и страхом Божиим входящих в онь, Господу помолимся.

О избавитися нам от всякия скорби, гнева и нужды, Господу помолимся.

Заступи, спаси, помилуй и сохрани нас, Боже, Твоею благодатию.

Лик: Господи, помилуй.

Диакон: Премудрость.

Священник: По дару Христа Твоего, с Нимже благословен еси, со Пресвятым и благим и животворящим Твоим Духом, ныне и присно, и во веки веков.

Лик: Аминь.

И отверзаются святые двери.

Великий вход

Лик поет: Ныне Силы Небесныя с нами невидимо служат, / се бо входит Царь Славы, се жертва тайная совершена до-риносится.

После входа в алтарь

Лик поет: Верою и любовью приступим, / да причастницы жизни вечныя будем. // Аллилуиа, аллилуиа, аллилуиа.

Затем, по обычаю, читается молитва св. Ефрема Сирина с тремя поклонами:

Молитва св. Ефрема Сирина

Священник: Господи и Владыко живота моего, дух праздности, уныния, любоначалаия, и празднословия не даждь ми. *(Поклон)*

Дух же целомудрия, смиренномудрия, терпения, и любве, даруй ми рабу Твоему. *(Поклон)*

Ей, Господи Царю, даруй ми зрети моя прегрешения, и не осуждати брата моего, яко благословен еси во веки веков. *(Поклон)*

Лик: Аминь.

Далее Царские врата закрываются и задергивается завеса наполовину. Диакон же выходит на обычное место и произносит прошения:

Ектения просительная

Диакон: Исполним вечернюю молитву нашу Господеви.

Лик: Господи, помилуй.

О предложенных и Преждеосвященных Честных Дарех, Господу помолимся.

Лик: Господи, помилуй.

Яко да Человеколюбец Бог наш, прием я во святой и пренебесный и мысленный Свой жертвенник, в воню благоухания духовнаго, возниспослет нам Божественную благодать и дар Святаго Духа, помолимся.

Лик: Господи, помилуй.

О избавитися нам от всякия скорби, гнева и нужды, Господу помолимся.

Лик: Господи, помилуй.

Заступи, спаси, помилуй и сохрани нас, Боже, Твоею благодатию.

Лик: Господи, помилуй.

Вечера всего совершенна, свята, мирна и безгрешна, у Господа просим.

Лик: Подай, Господи.

Ангела мирна, верна наставника, хранителя душ и телес наших, у Господа просим.

Лик: Подай, Господи.

Прощения и оставления грехов и прегрешений наших, у Господа просим.

Лик: Подай, Господи.

Добрых и полезных душам нашим, и мира мірови, у Господа просим.

Лик: Подай, Господи.

Прочее время живота нашего в мире и покаянии скончати, у Господа просим.

Лик: Подай, Господи.

Христианския кончины живота нашего, безболезнены, непостыдны, мирны, и добраго ответа на страшнем судищи Христове просим.

Лик: Подай, Господи.

Соединение веры и причастие Святаго Духа испросивше, сами себе, и друг друга, и весь живот наш Христу Богу предадим.

Лик: Тебе, Господи.

Священник: И сподоби нас, Владыко, со дерзновением, неосужденно смети призывати Тебе, Небеснаго Бога Отца, и глаголати.

Лик: Отче наш, Иже еси на небесех, да святится имя Твое, да приидет Царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам долги наша, якоже и мы оставляем должником

нашим; и не введи нас во искушение, но избави нас от лукаваго.

Священник: Яко Твое есть Царство, и сила, и слава, Отца, и Сына, и Святаго Духа, ныне и присно, и во веки веков.

Лик: Аминь.

Священник: Мир всем.

Лик: И духови твоему.

Диакон: Главы наша Господеви приклоним.

Лик: Тебе, Господи.

Священник: Благодатию, и щедротами, и человеколюбием Единородного Сына Твоего, с Нимже благословен еси, со Пресвятым и Благим и Животворящим Твоим Духом, ныне и присно, и во веки веков.

Лик: Аминь.

Диакон: Вонмем.

Возглашает священник: Преждеосвященная Святая святым.

Лик: Един свят, / един Господь / Иисус Христос, / во славу Бога Отца. / Аминь.

Лик: Вкусите и видите, яко благ Господь. Аллилуиа, аллилуиа, аллилуиа.

Причащение народа в храме

Диакон, трижды поклонившись, отверзает Царские врата и, взяв святой Потир, произносит: Со страхом Божиим и верою приступите.

Лик же поет: Благословлю Господа на всякое время, / хвала Его во устех моих.

Перед причастием верных священник, по обычаю читает молитвы: Верую, Господи, и исповедую, яко Ты еси воистинну Христос, Сын Бога живаго, пришедый в мир грешныя спасти, от нихже первый есмь аз. Еще верую, яко сие есть самое пречистое Тело Твое, и сия есть самая честная Кровь Твоя. Мо-

люся убо Тебе: помилуй мя и прости ми прегрешения моя, вольная и невольная, яже словом, яже делом, яже ведением и неведением, и сподоби мя неосужденно причаститься пречистых Твоих Таинств, во оставление грехов и в жизнь вечную. Аминь.

Таже: Вечери Твоя тайная днесь, Сыне Божий, / причастника мя приими; / не бо врагом Твоим тайну повем, ни лобзания Ти дам, яко Иуда, / но яко разбойник исповедаю Тя: / помяни мя, Господи, во Царствии Твоем.

Да не в суд или во осуждение будет мне причащение Святых Твоих Таин, Господи, но во исцеление души и тела.

И приступают желающие причаститься один за другим, поклоняясь со всяким благоговением и страхом, имея руки, сложенными на груди. И принимает каждый Божественные Тайны. Священник же, причащая каждого произносит:

Причащается раб Божий, *(имярек)*, честнаго и святаго Тела и Крове Господа и Бога и Спаса нашего Иисуса Христа, во оставление грехов своих и в жизнь вечную.

И диакон отирает ему устне платом. И целует причастивыйся святую чашу, и поклонився отходит. И тако причащаются вси.

По причащении

После причащения священник, благословляя народ, возглашает: Спаси, Боже, люди Твоя и благослови достояние Твое.

И лик поет: Хлеб Небесный и Чашу Жизни вкусите/ и видите, яко благ Господь.// Аллилуиа, аллилуиа, аллилуиа.

И, показав Святые Дары, священник, поклонившись, взяв святой Потир и обратившись к Царским вратам, взирая на народ произносит тайно: Благословен Бог наш.

И возгласно: Всегда, ныне и присно, и во веки веков.

И относит Святые Дары к жертвеннику.

Лик: Аминь.

Да исполнятся уста наша/ хваления Твоего Господи,/ яко да поем славу Твою,/ яко сподобил еси нас причаститься/ святым Твоим, Божественным, бессмертным и животворящим

**Тайнам,/ соблюди нас во Твоей святыхни/ весь день поуча-
тися правде Твоей.// Аллилуиа, аллилуиа, аллилуиа.**

Диакон: Прости приемше Божественных, святых, пречистых, безсмертных, небесных и животворящих, страшных Христовых Таин, достойно благодарим Господа.

Лик: Господи, помилуй.

Заступи, спаси, помилуй и сохрани нас, Боже, Твоею благодатию.

Лик: Господи, помилуй.

Вечера всего совершенна, святая, мирная и безгрешная испросивше, сами себе и друг друга, и весь живот наш Христу Богу предадим.

Лик: Тебе, Господи.

Священник: Яко Ты еси освящение наше, и Тебе славу возсылаем, Отцу, и Сыну, и Святому Духу, ныне и присно, и во веки веков.

Лик: Аминь.

Священник: С миром изыдем.

Лик: О имени Господни.

Диакон: Господу помолимся.

Лик: Господи, помилуй.

Молитва заамвонная, возглашаемая священником

Владыко Вседержителю, иже всю тварь премудростию соделавый, и неизреченным Твоим промыслом и многою благостию введый нас в пречестные дни сия, ко очищению душам и телом, к воздержанию страстей, к надежде воскресения. Иже четырьдесятью днями скрижали вручив, богоначертанная писмена, угоднику Твоему Моисею, подаждь и нам, Блаже, подвигом добрым подвизатися, течение поста совершити, веру нераздельную соблюсти, главы невидимых змиев сокрушити, победителем же греха явитися, и неосужденно достигнути поклониться и святому воскресению. Яко благословися и прославися пречестное и великолепое имя Твое, Отца, и Сына, и Святаго Духа, ныне и присно, и во веки веков.

Лик: Аминь.

Чин благословения колива

Псалом 142

Чтец: Гóсподи, услы́ши моли́тву мою, внуши́ моле́ние мое во и́стине Твоей, услы́ши мя в правде Твоей: и не вни́ди в суд с рабо́м Твоим, я́ко не оправди́тся пред Тобою всяк живы́й. Я́ко погна́ враг ду́шу мою, смири́л есть в зéмлю живóт мой, посади́л мя есть в тёмных, я́ко мёртвья вéка. И уны́ во мне дух мой, во мне смяте́ся сёрдце мое. Помяну́х дни дрéвния, поучи́хся во всех дéлах Твоих, в творéнииих руку́ Твоею поучи́хся. Воздéх к Тебе рúце мои, душа́ моя, я́ко земля́ безводная Тебе. Ско́ро услы́ши мя, Гóсподи, исчезé дух мой, не отврати́ лица́ Твоего от Мене́, и уподо́блюся низходя́щим в ров. Слы́шану сотвори́ мне за́втра мило́сть Твою, я́ко на Тя упова́х. Скажи́ мне, Гóсподи, путь, вóньже пойду́, я́ко к Тебе взях ду́шу мою. Изми́ мя от враг мои́х, Гóсподи, к Тебе прибего́х. Научи́ мя творити во́лю Твою, я́ко Ты еси́ Бог мой. Дух Твой Благий на́ставит мя на зéмлю праву. Имене Твоего ра́ди, Гóсподи, живи́ши мя, правдою Твоею изведе́ши от печáли ду́шу мою. И мило́стию Твоею потреби́ши враги́ моя и погуби́ши вся стужа́ющия души́ моей, я́ко аз раб Твой есмь.

Сла́ва Отцу́ и Сы́ну и Свято́му Ду́ху, и ны́не и при́сно и во вéки веко́в. Ами́нь.

Аллилу́иа, аллилу́иа, аллилу́иа, сла́ва Тебе́, Бо́же. *(Трижды)*

Диакон: Бог Госпо́дь, и яви́ся нам, благословéн Гряды́й во и́мя Госпо́дне.

Испове́дайтесь Гóсподеви я́ко Благ, я́ко в век мило́сть Его́.

Лик: Бог Госпо́дь, и яви́ся нам, благословéн Гряды́й во и́мя Госпо́дне.

Диакон: Обыше́дше обыдо́ша мя, и и́менем Госпо́дним противля́хся им.

Лик: Бог Госпо́дь, и яви́ся нам, благословéн Гряды́й во и́мя Госпо́дне.

Диакон: Не умру́, но жив бу́ду, и пове́м дела́ Госпо́дня.

Лик: Бог Госпо́дь, и яви́ся нам, благословéн Гряды́й во и́мя Госпо́дне.

Диакон: Ка́мень его́же небрего́ша зи́ждущии, сей бысть во главу́ у́гла: от Гóспода бысть сей, и есть дивен во очесéх на́ших.

Лик: Бог Господь, и явися нам, благословен Грядый во имя Господне.

При пении тропарей диакон совершает каждение колива

Тропарь, глас 2

Велия веры исправления,/ во источнице пламене, яко на воде упокоения,/ святыи мученик Феодор радовался:/ огнем бо всеожжегся,/ яко хлеб сладкий Троице принесся.// Того молитвами, Христе Боже, спаси души наша.

Слава Отцу и Сыну и Святому Духу.

Велия веры исправления,/ во источнице пламене, яко на воде упокоения,/ святыи мученик Феодор радовался:/ огнем бо всеожжегся,/ яко хлеб сладкий Троице принесся.// Того молитвами, Христе Боже, спаси души наша.

И ныне и присно и во веки веков. Аминь.

Богородичен: Вся паче смысла,/ вся преславная Твоя, Богородице, таинства,/ чистоте запечатанной, и девству храниму,/ Мати позналася еси неложна,/ Бога рождши истиннаго.// Того моли спастися душам нашим.

Псалом 50

Чтец: Помилуй мя, Боже, по велицей милости Твоей, и по множеству щедрот Твоих очисти беззаконие мое. Наипаче омый мя от беззакония моего, и от греха моего очисти мя. Яко беззаконие мое аз знаю, и грех мой предо мною есть вина. Тебе единому согреших и лукавое пред Тобою сотворих, яко да оправдишися во словесах Твоих, и победиши, внигда судити Ти. Се бо в беззакониих зачат есмь, и во гресех роди мя мати моя. Се бо истину возлюбил еси, безвестная и тайная премудрости Твоея явил ми еси. Окропиши мя иссопом, и очищуся, омыеши мя, и паче снега убелюся.

Слѹху моему да́си ра́дость и весе́лие, возра́дуются ко́сти смире́нныя. Отврати́ лице́ Твое от грех моих и вся беззаконія моя очисти. Сѣрдце чисто сози́жди во мне, Бо́же, и дух прав обнови́ во утробе моей. Не отвержи мене́ от лица́ Твоего, и Ду́ха Твоего Свята́го не отыми́ от Мене́. Возда́ждь ми ра́дость спасе́ния Твоего, и Ду́хом Влады́чним утверди́ мя. Научу́ беззаконныя путе́м Твои́м, и нечестивии к Тебе обратя́тся. Изба́ви мя от крове́й, Бо́же, Бо́же спасе́ния моего́, возра́дуется язы́к мой пра́вде Твоей. Го́споди, устне́ мои отверзеши, и уста́ моя возвестя́т хвалу́ Твою. Яко́ а́ще бы восхотѣл еси́ жѣртвы, дал бых ѹ́бо: всесожже́ния не благоволи́ши. Жѣртва Бо́гу дух сокруше́н: сѣрдце сокруше́нно и смире́нно Бог не уничижи́т. Ублажи́, Го́споди, благоволе́нием Твои́м Сио́на, и да сози́здутся стѣны́ Иерусали́мския. Тогда́ благоволи́ши жѣртву пра́вды, возноше́ние и всесожега́емая; тогда́ возложат на олта́р Твой тельцы́.

Песнь 1

Ирмос, глас 8: Во́ду проше́д яко́ су́шу,/ и египетскаго зла избежа́в,/ израильтянин вопия́ше:// изба́вителю и Бо́гу на́шему пои́м.

Лик: Припев: Святы́й великомучениче Феодо́ре, моли́ Бо́га о нас.

Священник: Бо́жия тя рачи́теля, Феодо́ре, ве́дый, и любóвию неизбе́жною твоёю запѣнся, ду́шу же и тѣло, и словеса́ похва́л возлага́ю.

Лик: Святы́й великомучениче Феодо́ре, моли́ Бо́га о нас.

Священник: Писа́шеся повелѣние богоме́рзкое, жѣртву и́долом, а не живóму Бо́гу приноси́ти: но приведе́н был еси́, не пожря́й, страстоте́рпче, Бо́гу же имы́й приведе́н бы́ти.

Лик: Сла́ва Отцу́ и Сы́ну и Свято́му Ду́ху.

Священник: Раче́нием Божѣственным пригвожде́н, Бо́га Вы́шняго Сы́ну Едино́родному, Феодо́ре мучениче, вво́инился еси́, и по́честей не погрешил еси́.

Лик: И ны́не и прѣсно и во ве́ки веко́в. Ами́нь.

Священник: Чѣни Тя А́нгелов и челове́ков, Безневѣстная Ма́ти, восхваля́ют непреста́нно: Содѣтеля бо сих яко́ Младѣнца, во объ́ятиих Твои́х носила еси́.

Песнь 3

Ирмос, глас 8: Ты еси утверждение/ притекающих к Тебе,
Господи,/ Ты еси Свет омраченных,// и поет Тя дух мой.

Лик: Святыи великомучениче Феодоре, моли Бога о нас.

Священник: Пение из устен моих, и из болезненных души мольбу приношу,
юже ущедри, страстотерпче Феодоре.

Лик: Святыи великомучениче Феодоре, моли Бога о нас.

Священник: Плоть покорил еси самодержцу, славне мучениче, уму, и обоими
угождаеши Создавшему.

Лик: Слава Отцу и Сыну и Святому Духу.

Священник: Стал еси на судищи мучительском, Христа Царя богословя: жрети
бо скверным отрелся еси, Феодоре.

Лик: И ныне и присно и во веки веков. Аминь.

Священник: Тя вси стяжяхом прибежище и стену присно христиане: Тя славо-
словим немолчно, Безневестная.

Песнь 4

Ирмос, глас 8: Услышах, Господи,/ смотрения Твоего
таинство,/ разумех дела Твоя// и прославих Твое Божество.

Лик: Святыи великомучениче Феодоре, моли Бога о нас.

Священник: Таин Божественных вкусив, в разуме, мучениче Феодоре, непо-
стыдную проповедь Божия рождения исповедал еси.

Лик: Святыи великомучениче Феодоре, моли Бога о нас.

Священник: Страстное божество непщеваху, страстем служащи, ихже Духом
изобличил еси, страдальче Феодоре, просвещаемь.

Лик: Слава Отцу и Сыну и Святому Духу.

Священник: Избавителя молитвою, тебе воспеваящим, блаженне Феодоре, от
различных обстояний и страстей быти молим.

Лик: И ны́не и прѣсно и во ве́ки веко́в. Ами́нь.

Священник: Клас возрастѣвшая животворящій, Неорáнная Нѣво, подающій мѣрови жизнь, Богорóдице, спасѣ поющія Тя.

Песнь 5

Ирмос, глас 8: Утренююще, вопиѣм Ти:/ Гóсподи, спасѣ ны,/ Ты бо еси́ Бог наш, // рáзве Тебѣ, ино́го не ве́мы.

Лик: Святы́й великомúчениче Феóдоре, моли́ Бóга о нас.

Священник: Любите возлюбѣвшаго Гóспода, возглашáл еси́, страдáльче Феóдоре, страждущим с тобóю мúчеником.

Лик: Святы́й великомúчениче Феóдоре, моли́ Бóга о нас.

Священник: Яко рѣвностию, страсотѣрпче, разжизáяся сѣрдцем, богѣню лжеименѣтую с трѣбищем попалѣл еси́.

Лик: Сла́ва Отцú и Сýну и Свято́му Дúху.

Священник: Сѣлою непобедѣмою, Феóдоре, страсотѣрпче, вáрварскую дѣрзость и моя стра́сти погубѣ.

Лик: И ны́не и прѣсно и во ве́ки веко́в. Ами́нь.

Священник: Дѣву по рождествѣ поѣм Тя, Богорóдице: Ты бо Бóга Сло́ва плóтию мѣрови родилá еси́.

Песнь 6

Ирмос, глас 8: Очи́сти мя, Спа́се,/ мно́га бо беззакóния моя́,/ и из глубинѣ зол возведѣ, молю́ся,/ к Тебѣ бо возопѣх, и услы́ши мя, // Бóже спасѣния моего́.

Лик: Святы́й великомúчениче Феóдоре, моли́ Бóга о нас.

Священник: Коль сла́бое, коль немощно́е богов сýетных шатáние, на отмщѣние своѣ, челове́ком моля́шеся в стоянѣи побежда́емое, нелóжных мúчеников, проповѣдающих ѣстину.

Лик: Святы́й великомúчениче Феóдоре, моли́ Бóга о нас.

Священник: Коль слабое, коль немощное богов суетных шатание, на отщепление свое, человеком молящееся в стоянии побеждаемое, неложных мучеников, проповедающих истину.

Лик: Слава Отцу и Сыну и Святому Духу.

Священник: Укрепився силою Божиею, мучеников славо, Феодоре, муки злочестивых, младенец стреляния зрел еси, блаженне, вечнующее будущих предзря.

Лик: И ныне и присно и во веки веков. Аминь.

Священник: Да избавимся от лютых прегрешений молитвами Твоими, Богородительнице Чистая, и да улучим, Всечистая, Божественного осияния, из Тебе неизреченно воплотившагося Сына Божия.

Господи, помилуй. *(Трижды)*

Слава Отцу и Сыну и Святому Духу, и ныне и присно и во веки веков. Аминь.

Кондак, глас 8

Веру Христову яко щит внутри прием в сердце твоём, противныя силы попрал еси, многострадальче, и венцем небесным венчался еси вечно, Феодоре, яко непобедимый.

Песнь 7

Ирмос, глас 8: От Иудеи дошедше, отроцы/ в Вавилоне иногда/ верою Троическою пламень пещный попраша, поюще:// отцев Боже, благословен еси.

Лик: Святой великомучениче Феодоре, моли Бога о нас.

Священник: Уранен был еси телом за ураненного Слова плотию нас ради, и Сему благодарственно веселяся возопил еси, стратотерпче Феодоре: отец наших Боже, благословен еси.

Лик: Святой великомучениче Феодоре, моли Бога о нас.

Священник: Яко во гробе положишься, и волею запечатлешься Избавителю всех, в темнице запечатленной вселился еси, вопия, стратотерпче Феодоре: отец наших Боже, благословен еси.

Лик: Святы́й великомучениче Феодоре, моли́ Бóга о нас.

Священник: Умерщвлён быв, и страсти плотскія произволением оттряс, не снѣдию, страстотѣрпче, но любóвию Божѣственнойю пита́йся, пел еси́: отѣц на́ших Бóже, благословѣн еси́.

Лик: Сла́ва Отцú и Сы́ну и Свято́му Дúху.

Священник: В темни́це, страстотѣрпче, я́коже в пещи́ юноши иногдá, Едѣн не-тлѣнныйя Трои́цы, тебѣ укрепля́ет виден быв, вопи́юща: отѣц на́ших, Бóже, благословѣн еси́.

Лик: И ны́не и прѣсно и во вѣки веко́в. Ами́нь.

Священник: На́ше спасѣние, я́коже восхотѣл еси́, Спа́се, устро́ити, во утрóбу Дѣвы всели́лся еси́, Ю́же ми́ру Предста́тельница показáл еси́: отѣц на́ших, Бóже, благословѣн еси́.

Песнь 8

Ирмос, глас 8: Седмери́цею пещы́/ халдѣйский мучитель/
Богочестѣвым неѣстовно разжжѣ,/ сѣлою же лúчшею спасѣ-
ны, сѣя видев,/ Творцú и Избáвителью вопѣяше:/ óтроцы,
благословѣте,/ священницы, воспóйте,// лю́дие, превозно-
сѣте во вся вѣки.

Лик: Святы́й великомучениче Феодоре, моли́ Бóга о нас.

Священник: Ослеплѣн умóм беззакóнных начáльник, богочестѣву тебѣ нече-
стѣвно претя́ше: что всúе на Человѣка нúждею умѣрша, безúмне, возложѣл еси́
надѣжду? но ты возопѣл еси́: óтроцы, благословѣте, священницы, воспóйте,
лю́дие, превозносѣте во вся вѣки.

Лик: Святы́й великомучениче Феодоре, моли́ Бóга о нас.

Священник: Я́ко смýсленный, и премúдрый строѣтель благодáти, дáнною тебѣ
от Бóга благодáтию возопѣл еси́, Феодоре, повелевáющему нечестѣвно: сей
студ мне и по́ющим бúди: óтроцы, благословѣте, священницы, воспóйте,
лю́дие, превозносѣте во вся вѣки.

Лик: Сла́ва Отцú и Сы́ну и Свято́му Дúху.

Священник: Юношески подвижался еси, дерзостно изобличил еси: что безумствуеши, мучителю, взывал еси, повелевая тварем служити ложно, оставльшим Создавшего? но аз воспеваю: отроцы, благословите, священницы, воспойте, людие, превозносите во вся веки.

Лик: И ныне и присно и во веки веков. Аминь.

Священник: Плотскими изображеньми, и различными ганани, и знаменательными и образительными изреченьми, Твое предвещаху богоглаголивии рождество, преестественное и чудное, Дево: темже Тя, веселящаяся, благочестно восхваляем, Христа превозносяще во вся веки.

Песнь 9

Ирмос, глас 8: Тя, Неискусобрачную Матерь Бога Вышняго,/ Тя, паче ума рождшую Словои воистинну Бога,/ вышшую пречистых сил,// немолчными славословлении величаем.

Лик: Святыи великомучениче Феодоре, моли Бога о нас.

Священник: Вещество мучения твоего, Божие, Феодоре, желание. Темже ти и вещество бысть вещественному телу огню: имже к Божественному радуясь огню изшел еси, страсотерпче угодниче Божий Феодоре.

Лик: Святыи великомучениче Феодоре, моли Бога о нас.

Священник: Мучениче всечестне, попалив не попалился еси: ты бо прелесть попалил еси, Богу же предстоиши живый, и в нем мученически веселяся, страсотерпче и угодниче Феодоре.

Лик: Слава Отцу и Сыну и Святому Духу.

Священник: Единого Тя знаем Христа, единого от Троицы, во двою совершенну естеству, люди Твоя спаси сия, яже стяжал еси Честною Твоею Кровию, Феодора страсотерпца молитвами.

Лик: И ныне и присно и во веки веков. Аминь.

Священник: Тя, невидимаго Бога носившую объятии, на небесех воспеваемого от всея силы, и Тобою нам даруемое выну спасение во обстоянии, величаем.

Ирмос, глас 8: Тя, Неискусобрачную Матерь Бóга Вѣшняго,/ Тя, пáче умá рóждшую Слóвом воистинну Бóга,/ вѣшшую пречѣстных сил,// немóлчными славословлѣнии величаем.

Чтец: Святы́й Бóже, Святы́й Кре́пкий, Святы́й Безсме́ртный, помѣлуй нас. **(Трижды)**

Сла́ва Отцú и Сы́ну и Свято́му Ду́ху, и ны́не и прѣсно и во ве́ки веко́в. Ами́нь.

Пресвята́я Трѣице, помѣлуй нас; Го́споди, очѣисти грехѣ на́ша; Влады́ко, прости́ беззако́ния на́ша; Святы́й, посети́ и исцели́ немо́щи на́ша, имене Твоего́ ра́ди.

Го́споди, помѣлуй. **(Трижды)**

Сла́ва Отцú и Сы́ну и Свято́му Ду́ху, и ны́не и прѣсно и во ве́ки веко́в. Ами́нь.

О́тче наш, И́же еси́ на небесе́х! Да святѣтся и́мя Твое́, да приѣдет Ца́рствие Твое́, да бу́дет во́ля Твоя́, я́ко на небеси́ и на земли́. Хлеб наш насущный даждь нам днесь; и остави́ нам до́лги на́ша, я́коже и мы оставляем должникомóм на́шим; и не введи́ нас во искуше́ние, но изба́ви нас от лука́ваго.

Священник: Я́ко Твое́ есть Ца́рство и си́ла и сла́ва, Отца́ и Сы́на и Свята́го Ду́ха, ны́не и прѣсно и во ве́ки веко́в.

Чтец: Ами́нь.

Тропарь святаго, глас 2

Вѣлия вѣры исправлѣния,/ во исто́чнице пла́мене, я́ко на водѣ упоко́ения,/ святы́й мученик Фео́дор ра́довашеся:/ огнем бо всесожже́гся,/ я́ко хлеб сла́дкий Трѣице принесёся.// Того́ моли́твами, Христе́ Бóже, спаси́ ду́ши на́ша.

Сла́ва Отцú и Сы́ну и Свято́му Ду́ху.

Кондак, глас 8

Вѣру Христóву яко щит внутрь приѣм в сѣрдце твоѣм,/ противныя сѣлы попрал есѣ, многострадальче,// и венцем небесным венчался есѣ вѣчно, Феодоре, яко непобедимый. И ныне и присно и во веки веков. Аминь.

Богородичен, глас 8: Якоже предстательство вси, и державное заступлѣние прегрѣшшии стяжахом, Всечѣстая,/ Твою теплую помощь, Дѣво Мати Маріе, христиан спасѣние.// Тем не престай о нас молящи Спаса, дароватися прощѣнию.

Диакон: Господу помóлимся.

Лик: Господи, помилуй.

Священник: Вся совершивый словом Твоим, Господи, и повелѣвый земли многоразличныя прозябати плоды, в наслаждѣние и пищу нашу, Иже семенми три отроки, и Даниїла, сущия в Вавилоне, сластнопитанных свѣтлшия показавый: Сам Всеблагий Царю, и семена сия с различными плоды благословїи, и от них вкушающия освятїи, яко в славу Твою, и в честь святаго великомученика Феодора Тїрона, сия предложїшася от Твоих рабов, и в память во благочестївой верѣ скончавшихся. Подажь же, Блаже, благоукрашившим сия, и память совершающим, вся яже ко спасѣнию прошѣния, и вѣчных Твоих благ наслаждѣние: молитвами Пречѣстия Владычицы наша Богородицы и Приснодѣвы Марїи, и святаго великомученика Феодора Тїрона, егоже и память совершаем, и всех святых Твоих: яко Ты есѣ благословляяй, и освящаяй всяческая, Бóже наш, и Тебѣ славу возсылаем Безначальному Отцѣ, со Единородным Твоим Сыном и Пресвятым и Благим и Животворящим Твоим Духом, ныне и присно и во веки веков.

Лик: Аминь.

Лик: Буди имя Господне благословенно от ныне и до века.

(Трижды)

Псалом 33

Чтец: Благословлю Господа на всякое время, выну хвала Его во устех моих. О Господе похвалится душа моя, да услышат кротцыи и возвеселятся. Возвеличите Господа со мною и вознесем имя Его вкупе. Взысках Господа и услыша мя, и от всех скорбей моих избави мя. Приступите к Нему и просветитесь, и лица ваша не постыдятся. Сей нищий воззва, и Господь услыша и, и от всех скорбей его спасе и. Ополчится Ангел Господень окрест боящихся Его, и избавит их. Вкусите и видите, яко благ Господь; блажен муж, иже уповае на Нань. Бойтесь Господа, вси святии Его, яко несть лишения боящимся Его. Богатии обнищаша и взалкаша, взыскающии же Господа не лишатся всякаго блага. Приидите, чада, послушайте мене, страху Господню научу вас. Кто есть человек хотяй живот, любяй дни видети блага? Удержи язык твой от зла, и устне твои, еже не глаголати лести. Уклонися от зла, и сотвори благо. Взыщи мира, и по жени и. Очи Господни на праведныя, и уши Его в молитву их. Лице же Господне на творящия злая, еже потребити от земли память их. Воззваша праведнии, и Господь услыша их, и от всех скорбей их избави их. Близ Господь сокрушенных сердцем, и смиренныя духом спасет. Многи скорби праведным, и от всех их избавит я Господь. Хранит Господь вся кости их, ни едина от них сокрушится. Смерть грешников люта, и ненавидящии праведнаго прегрешат. Избавит Господь души раб Своих, и не прегрешат вси, уповающии на Него.

Священник же выходит из алтаря и раздает антидор.

По окончании же псалма, священник: Благословение Господне на вас, Того благодатию и человеколюбием, всегда, ныне и присно, и во веки веков.

Лик: Аминь.

Священник: Слава Тебе, Христе Боже, упование наше, слава Тебе.

Лик: Сла́ва, и ны́не. Господи, помилуй, *(Трижды)*. Благослови.

Отпуст

Христос Истинный Бог наш, молитвами Пречистой Своей Матере, иже во святых отца нашего Григория Двоеслова, Папы Римского, свт. Алексия, митрополита Киевского, Московского и всея Руси, чудотворца, вмч. Феодора Тирона, и всех святых, помилует и спасет нас, яко Благ и Человеколюбец.

Многолетие

Лик: Великаго господина и отца нашего Кирилла,/ Святэйшаго Патриарха Московскаго и всея Рूसи,/ богохранимую страну нашу Россійскую,/ настоятеля, братию и прихожан святáго храма сегó,/ и вся правосла́вныя христиáны,// Гóсподи, сохрани их на мно́гая лéта.